

Umiarsualiviit pillugit Inatsisartut inatsisaat

Kapitali 1

Atuuffia

§ 1. Umiarsualivinnik nunami atortulersuutitalinnik usinik, inunniq, aalisakkanilluunniit tulaanneqartunik inuussutissarsiutigalugu assartuinermut atorneqartunik sanaartorneq ingerlatsinerlu Naalakkersuisut akuersissuteqarnerisigut aatsaat pisinnaavoq, tak. § 5, umiarsualiviit nunami atortulersuutitallit § 2-mi taaneqartut eqqaassanngikkaanni.

Imm. 2. Naalakkersuisut malittarisassanik umiarsualiviit nunami atortulersuutitallit umiarsualiviilli imartaasa taakkununnga atasut killilersorneqarnerannut atuuttunik aalajangersaasinnaapput.

§ 2. Inatsisartut inatsisaat manna umiarsualivinnut nunami atortulersuutitalinnut makkununnga atuutinngilaq:

- 1) Sakkutut Kalaallit Nunaanni suliaqarnerannut ilaattilugu taamaallaat Naalagaaffimmit atorneqartunut.
- 2) Aatsitassanik mineraliusunik misisseeqqaarnissamut atuinissamullu akuersissummi Naalakkersuisut suliat taakku pillugit oqartussaasut suliarinninneranni tamarmiusumi ilaasutut tunniussaanni pineqartunut ilaatinneqartunut, taamaattorli tak. § 4.
- 3) Nunami tankeqarfinnut illoqarfinnik nunaqarfinnillu pilersuinermi ilaallutik oliamik ikummatisamillu niooraanermut atugassanngortinneqarsimasunut atorneqartunulluunniit, taamaattorli tak § 4.
- 4) Pituffimmi illersornissaqarfiup iluani inissisimasunut.
- 5) Inatsisartut inatsisaata matuma atortuulersinneqarnerani Kalaallit Nunaanni Namminersorlutik Oqartussanit kommuninilluunniit tamakiisumik ilaannakortumilluunniit pigineqartunut.

§ 3. Inatsisartut inatsisaat manna umiarsualivinnut nunami atortulersuutitalinnut sungiffimmi siunertanut atorneqartunut atuutinngilaq.

Imm. 2. Umiarsualivik nunami atortulersuutitalik nassiussanik, inunniq aalisakkanilluunniit tulaanneqartunik inuussutissarsiutigalugu assartuinermut tamatumunngalu peqatigitillugu sunngiffimmi siunertanut atorneqarpat atuineq tamarmiusoq § 1-imikineqartunut ilaatinneqartutut isigineqassaaq.

§ 4. §§ 17 - 19 umiarsualivinnut nunami atortulersuutitalinnut § 2, imm. 2, nr. 2-mi, 3-mi, 5-imilu pineqartunut ilaatinneqartunut aamma atuupput.

Kapitali 2

Umiarsualivinnik nunami atortulersuutitalinnik sanaartorneq ingerlatsinerlu

§ 5. Umiarsualivinnik nunami atortulersuutitalinnik sanaartortoqarnissaa, allilerisoqarnissaa, allangortiterisoqarnissaa aamma atuinermik ingerlatsinermillu allangortitsisoqarnissaa Naalakkersuisut akuersissutigisinnaavaat, tak. § 1. Akuersissut kisermassaassisinnaatitaanertut tunniunneqarsinnaavoq.

Imm. 2. Kommunit umiarsualivii nunami atortulersuutitallit pioreersut kommunip ataani ingerlanneaannarnissaat akuersissutigineqarsinnaavoq. Kommunip umiarsualiveqarfiata pioreersup allilerneqarnissaanut, allangortiterneqarnissaanut imaluunniit allanguuteqartinneqarnissaanut akuersissummit Naalakkersuisut tunniussisinnaapput. Akuersissummut atugassarititaasussanik Naalakkersuisut aalajangersaasinnaapput. §§ 7 – 12 aammalu maleruagassat taanna malillugu aalajangersagaasut, kommunip piginnittuunerata ingerlatsineratalu malitsigisaanik pisariaqartunik allanguuteqartillugu naleqqusarneqartillugulu atorneqassapput.

§ 6. § 5, imm. 1 tunngavigalugu akuersissut umiarsualivinnik ingerlatseqatigiiffinnut Kalaallit Nunaanni angerlarsimaffeqartunut, piginneqataassuteqarluni (anpart) imaluunniit aktiaateqarluni ingerlatseqatigiiffittut aaqqissuussaasunut tunniunneqarsinnaavoq. Umiarsualivinnik ingerlatseqatigiiffiup taamaallat suliaqarnermik Inatsisartut inatsisaanni matumani pineqartumik ingerlatsinissamik siunertaqassaaq.

§ 7. Sanaartukkat piusut atortulersuutillu § 5, imm. 1 tunngavigalugu akuersissummi pineqartunut ilaatinneqartut piginnittuannut § 5, imm. 1 tunngavigalugu taamaallaat akuersissuteqartoqarsinnaavoq.

Imm. 2. § 5, imm. 1 tunngavigalugu akuersissummit piginnittup umiarsualiveqarnermut tunngasumik aningaasarsiutigalugu sulineq alla ingerlassinnaavaa, matumani umiarsualivimmi attaveqaatinik, quersuaqarfnnik pigisanillu aalaakkaasunik sanaartorneq, ingerlatsineq attartortitsinerlu ilanngullugit eqqarsaatigalugit.

Imm. 3. Naalakkersuisut § 5, imm. 1 tunngavigalugu akuersissummit piginnittooq sulinermik imm. 1-imi 2-milu taaneqartunit allaasumik aalajangersimasumik annertussusilimmik erseqqinnerusumillu piumasaqaateqarfiusumik ingerlatsinissaanut akuerisinnaavaat.

§ 8. Kommuni umiarsualivimmik ingerlatseqatigiiffimmik piginneqataassutinik pigisaqtutut peqataasinnaavoq, Naalakkersuisunit siumoortumik akuersissuteqarfigineqarnermigut. Naalakkersuisut kommunip peqataaneranut piumasaqaatit akuersissummi aalajangersassavaat, matumani kommunip piginneqataassutaasa annertussusissaat, aningaasanngorlugit siumut akiliutissai, aningaasalersuineq, aqutsineq allallu ilanngullugit eqqarsaatigalugit.

§ 9. Naalakkersuisut § 5, imm. 1 tunngavigalugu akuersissummit qinnuteqaatit niuernermik ingerlatsinermut tunngaviosoq kiisalu niuernermut pilersaarusiaq, missingersuutit aningaasalersuinissamillu neriorsuutit tassunga atasut pillugit uppernarsaatit tunngavigalugit suliarispaat.

Imm. 2. Akuersissummit qinnuteqartut akuersissummillu pigisaqtut paasissutissanik Inatsisartut inatsisaat manna tunngavigalugu oqartussaasup suliarinninneranut pisariaqartutut Naalakkersuisut isigisaannik tamanik Naalakkersuisunut tunniussissapput.

Imm. 3. Naalakkersuisut paasissutissanik nalunaarutiginnittarneq pillugu malittarisassanik

aalajangersaasinnaapput, matumani § 5, imm. 1 tunngavigalugu akuersissummik qanoq ilusiliilluni qinnuteqartoqarsinnaanera pillugu malittarisassat ilanngullugit eqqarsaatigalugit.

§ 10. § 5, imm. 1 tunngavigalugu akuersissut tunniunneqarsinnaavoq, umiarsualivinni nunami atortulersuutitalinni aningaasaliissutit tamarmiusut usinik, inunnik, aalisakkanilluunniit tulaanneqartunik ingerlatanilluunniit allanik umiarsualivimmi sulianut attuumassuteqartunik pisariaqartitsinertut annertutigippata, tak. § 7, imm. 2.

Imm. 2. § 5, imm. 1 tunngavigalugu akuersissut sumiiffimmut aalajangersimasumut atuuttussatut tunniunneqassaaq. Akuersissummi umiarsualiviup inissisimanera, annertussusia, pisinnaasaqassusia il.il. pillugit aalajangersakkat aalajangersarneqassapput.

§ 11. § 5, imm. 1 tunngavigalugu akuersissut ukiuni 40-ni atuuttussatut tunniunneqarsinnaavoq, piffissap taassuma naanerani Namminersorlutik Oqartussanut tamakkiisumik piginnittussaatitaaffeqartumik aammalu akeqanngitsumik utertinneqartussaatitaasumik. Piffissaq akuersissutip atuuffia ukiut 20-t tikillugit marloriarluni sivitsorneqarsinnaavoq. Naalakersuisut pisuni immikkut ittuni Inatsisartuni Aningaasaqarnermut Akileraartarnermullu Ataatsimiititaliap akuersineratigut ukiut 60-it angullugit taamatuttaaq piffissami sivisussusiligaanngitsumi akuersissuteqarsinnaapput. § 5, imm. 2 malillugu akuersissut, Namminersorlutik Oqartussanut utertitsisussaatitaaffeqanngitsumik tunniunneqarsinnaavoq.

Imm. 2. Utertitsisussaatitaaneq pillugu malittarisassanik Naalakersuisut aalajangersaasinnaapput.

§ 12. Naalakersuisut akuersissutini § 5, imm. 1 tunngavigalugu piumasaqaatinik aalajangersaasinnaapput, ilanngullugit inuussutissarsiummik ingerlataqartut umiarsualivimmi perarfissaqartinnejnqarnissaasa aamma inuussutissarsiummik suliaqarnissamut perarfissaqartitsinissap qulakkeernissaanut pisussaaffeqarneq, akuersissutinik atorunnaarsitsisarneq, akuersissutinik utertitsisarneq, umiarsualivimmik sanaartugartaqartumik taassumaluunniit ilaanik matusinermut imaluunniit piiaanermut aningaasartuutinut qularnaveeqquisiissuteqartarneq pillugit atugassarititaasut.

Imm. 2. Naalakersuisut § 5, imm. 1 tunngavigalugu akuersissummut atugassarititaasut, taakkunanilu allanguutit pillugit malittarisassanik aalajangersaasinnaapput.

§ 13. § 5, imm. 1 aamma 2 tunngavigalugu akuersissummik pigisaqartup akuersissummi piumasaqaatit sumiginnarpagit/onioqqutippagpit Naalakersuisut pissutsinik aaqqiisoqarnissaa peqqusissutigisinnaavaat imaluunniit umiarsualiviup nunami atortulersuutitalip matugallarneqarnissaa peqqusissutigisinnaallugu. *Imm. 2.* Umiarsualivik nunami atortulersuutitalik atorneqarunnaarpit taassuma matugallarneqarnissaa Naalakersuisut peqqusissutigisinnaavaat.

Kapitali 3

Umiarsualivinnik nunami atortulersuutitalinnik atuisinnaaneq atuinermullu akiliuteqartarneq

§ 14. § 5, imm. 1 aamma 2 tunngavigalugu akuersissumik pigisaqartup umiarsuit inissaqartitsinerup isumannaallisaanermilu isiginagiassat tamanna ajornartinngippassuk umiarsualivississallugit pisussaaffigaa, akuersissummi allamik aalajangersasoqarsimannngippat.

Imm. 2. § 5, imm. 1 aamma 2 tunngavigalugu akuersisummiq pigisaqartup umiarsuit usinik Kalaallit Nunaannut, Kalaallit Nunaannit Kalaallillu Nunaanni assartuinermut akuersisummi pineqartunut ilaatinneqartut isumannaallisaanermi isiginiagassat tamanna ajornartinngippassuk umiarsualivissallugit pisussaaffigaa, tak. Kalaallit Nunaannut, Kalaallit Nunaannit Kalaallillu Nunaanni imaatigut assartuineq pillugu Inatsisartut peqqussutaat.

Imm. 3. § 5 tunngavigalugu akuersisummiq pigisaqartup umiarsuit sakkutuunit Kalaallit Nunaata illorsorneqarneranut ilaasunit atorneqartut isumannaallisaanermi isiginiagassat tamanna ajornartinngippassuk umiarsualivissallugit pisussaaffigaa.

§ 15. § 5, imm. 1 aamma 2 tunngavigalugu akuersisummiq pigisaqartup umiarsuit umiarsuarnillu usingiaasartut usilersuinermi usingiaanermilu pisariaqarneratut annertutigisumik namminerlu atortuutini atorlugit ikiussallugit pisussaaffigaa.

§ 16. Umiarsualivinnik ingerlatseqatigiiffit umiarsualiviup nunami atortulersuutitallip atorneqarnerannut akiliutinik akiliuteqartitsisinhaapput.

Imm. 2. Akiliutit akiliuteqartitsinermilu tunngaviit umiarsualivinnik ingerlatseqatigiiffit ataasiakkaarlutik sulineri tamarmiusut tunngavigalugit aalajangersarneqartassapput, matumani umiarsualivimmik nunami atortulersuutitalimmik pilersitsinermut, ingerlatsinermut, ernialersuinermut nalikilliliinermullu aningaasartuutit ilanngullugit eqqarsaatigalugit.

Imm. 3. Akiliutit akiliuteqartitsinermilu tunngaviit kiisalu taakkunani allannguutit Naalakkersuisunit akuerineqartassapput. Akiliutit akiliuteqartitsinermilu tunngaviit allanngortinneqassasut Naalakkersuisut piumasaqaatigisinhaavaat.

Imm. 4. Umiarsualivinnik ingerlatseqatigiiffit pisussaapput paasissutissat akiliutit akiliuteqartitsinermilu tunngaviit akuerineqarnerinut allannguiteqarnerinulluunniit atatillugu Naalakkersuisut pisariaqartutut isigisaat Naalakkersuisunut sukkulluunniit nalunaarutigissallugit. Naalakkersuisut paasissutissanik taamaattunik nalunaaruteqartarneq pillugu malittarisassanik aalajangersasinhaapput, matumani paasissutissat piffissani aalajangersimasukkaani nalunaarutigineqartarnissaat imaluunniit ilusiliussassatut piumasaqaatit aalajangersimasut naapertorlugit nalunaarutigineqartarnissaat ilanngullugit eqqarsaatigalugit.

Imm. 5. Umiarsualivimmik ingerlatseqatigiiffit ingerlatat § 5, imm. 1-imi aamma § 7, imm. 2-mi 3-milu pineqartunut ilaatinneqartut pillugit naatsorsuusiorpassasut Naalakkersuisut aalajangersinnaavaat. Naalakkersuisut naatsorsuutinik saqqummiussisarneq pillugu malittarisassanik aalajangersasinhaapput.

Kapitali 4

Nunat tamat akornanni pisussaaffit il.il.

§ 17. Naalakkersuisut pissutsit Inatsisartut inatsisaanni matumani pineqartunut ilaatinneqartut pillugit nunat tamat isumaqtigiiressaasa atortinneqarnissaat atorneqarnissaalluunniit siunertaralugu malittarisassanik aalajangersasinhaapput aalajangiisinhaallutiluunniit. Naalakkersuisut peqqusissuteqartarneq inerteqquteqartarnerluunniit imaluunniit paasissutissiussaatitaanerit pillugit malittarisassanik aalajangersasinhaapput, malittarisassat taamaattut pissutsit Inatsisartut inatsisaanni

matumani pineqartunut ilaatinneqartut pillugit nunat tamat akornanni isumaqatigiissutit atortinneqarnissaat atorneqarnissaalluunniit pisariaqartippassuk.

§ 18. Naalakkersuisut umiarsualiviit nunami atortulersuutitallit isumannaallisaavagineqarnerat pillugu malittarisassanik aalajangersaasinnapput aalajangiisinnallutiluunniit. Naalakkersuisut matumani ilanngullugu aalajangersinnaavaat umiarsualivinnik nunami atortulersuutitalinnik isumannaallisaaneq pillugu suliassat namminersortunit erseqqinnerusumik annertussusilikkamik suliarineqarsinnaasut.

Imm. 2. Kalaallit Nunaanni Namminersorlutik Oqartussani allanilu atorfekartitaasut sanngiiffiusinnaasunik naliliiviginninnerit aamma isumannaallisaanermut pilersaarusat suliarineqarnerini peqataasut, paassisutissanillu malittarisassat imm. 1 tunngavigalugu aalajangersarneqartut tunngavigalugit tigusaqartut pinerluttulerinermi inatsit tunngavigalugu pisussaapput paassisutissanik taakkuninnga susassaqqanngitsunut isertuussinissaminut, taamaattorli tak. imm. 3.

Imm. 3. Paassisutissat Danmarkimi nunanilu allani oqartussaasunut nunallu tamat akornanni suliniaqatigiiffinnut ingerlateqqillugit tunniunneqarsinnaapput, tamanna Namminersorlutik Oqartussat nunat tamat akornanni pisussaaffiisa nassatarippassuk.

§ 19. § 5, imm. 1 aamma 2 tunngavigalugu akuersisummiq pigisaqartut kiisalu umiarsualivinni piginnittoq § 2, nr. 2-mi, 3-mi, 5-imilu pineqartunut ilaatinneqartut pisussaapput malittarisassat aalajangersakkallu §§ 17 aamma 18 tunngavigalugit suliarineqarnerini aqunneqarnerinilu akeqanngitsumik peqataanissaminut. Pisussaaffeqarneq aammattaaq piginnittoq sinnerlugu umiarsualivimmik nunami sanaartugartalimmik ingerlatsinermik suliaqartumit pisussaaffeqarfigineqarpoq.

Kapitali 5

Namminersorlutik Oqartussat kommunillu umiarsualivii

§ 20. Naalakkersuisut Namminersorlutik Oqartussat umiarsualiviisa nunami atortulersuutitallit aqunneqarnerat, aserfallatsaalineqarnerat ingerlanneqarnerallu pillugit aalajangersakkanik aalajangersaassapput.

§ 21. Namminersorlutik Oqartussat umiarsualivimmik nunami atortulersuutitalimmik atuinermut akiliutinik akiliisitsisinnapput.

Imm. 2. Naalakkersuisut umiarsualiviup nunami atortulersuutitallip ingerlanneqarneranut aserfallatsaalineqarneranullu aningaasartuutit tamakkiisumik ilaannakortumilluunniit matussutissaannik akiliutit akiliuteqartitsinermullu tunngaviit aalajangersarsinnaavaat. Umiarsualivinnut ataasiakkaanut akiliutit ataatsimoortillugit naliliivigineqassapput, matumani soorlu pilersuinerup isumannaatsunera, nassiussatigut ilaasutigullu kaaviaartitat umiarsualiviullu najukkamut sumiiffigisaminut sunniutai ilanngullugit pingaartillugit isiginiarneqarsinnaallutik.

Imm. 3. Akiliutigineqartut pissutigalugit umiarsualiviit umiarsualivinnik piginneqatigiinnit piginneqartut aamma umiarsualiviit Kalaallit Nunaanni Namminersorlutik Oqartussanit piginneqartut unammilleqatigiinnerisa equtinneqannginnissaat sapinngisamik annertunerpaamik qulakkeerneqassaaq.

Imm. 4. Imm. 2-3 komunit umiarsualiviinut tamatuma pissuseqataanik atuupput, tak. § 5, imm. 2.

Kommuni umiarsualiviup nunami atortulersuutitallip atorneranut akiliisitsisinnaavoq. Akiliutit akiliuteqartitsinermullu tunngaviit Naalakkersuisunit aalajangersarneqassapput, tak. imm. 2.

§ 22. Umiarsualivinnut qitiusumik oqartussaaneq Naalakkersuisuniippoq.

Imm. 2. Naalakkersuisut suliffeqarfik inuit ataasiakkaat pillugit inatsiseqartitsineq tunngavigalugu pilersinneqarsimasoq umiarsualiveqarnermut imarsiornermullu tunngasunik ilisimasaqartoq Namminersorlutik Oqartussat umiarsualiveqarfianni ataatsimi arlalinniluunniit najukkami umiarsualiveqarnermut oqartussaanermik isumaginninnissaanut piginnaatissinnaavaat. Naalakkersuisut suliffeqarfik namminersortoq isumagisassamik taassuminnga ingerlatstinssamut pisussaafflersinnaavaat.

Imm. 3. Imm. 2 tunngavigalugu najukkami umiarsualivimmut oqartussaasoq Naalakkersuisut sinnerlugit aalajangiisinnaavoq, tamatumunnga ilanngullugu umiarsualiviup nunami atortulersuutitai ilanngullugit atorneqarneranut akiliisitsisarnerup isumagineqarnera. Umiarsualivimmut qitiusumik oqartussaasup najukkami umiarsualivimmut oqartussaasoq naalakkissallugu piginnaatitaavoq taannalu nakkutigisaralugu.

Imm. 4. Naalakkersuisut najukkami umiarsualivimmut oqartussaaneq pillugu malittarisassanik aalajangersaasinnaapput.

Imm. 5. Kommunit umiarsualiviini § 5, imm. 2 tunngavigalugu akuersisummik tunineqartuni umiarsualivimmut oqartussaaneq communalbestyrelsip isumagisaraa. Kommunalbestyrelsip najukkami umiarsualivimmut oqartussaaneq isumaqtigiiqssuteqarnermigut ingerlatseqatigiiffimmut imm. 2-4-mi aalajangersakkat tunngavigalugit isumagisassanngortissinnaavaa, tassami communalbestyreli Naalakkersuisut sinnerlugit aalajangiisarmat.

Kapitali 6

Torersuutitsinissaq pillugu malittarisassat

§ 23. Naalakkersuisut umiarsualivinni nunami atortulersuutitalinni torersuutitsinissap malinneqarnissaa pillugu malittarisassanik aalajangersaasinnaapput.

Imm. 2. Naalakkersuisut umiarsualiviit nunami atortulersuutitallit ataasiakkaat eqqarsaatigalugit umiarsualivinnut ataasiakkaanut taakkununngarpiaq tunngasumik torersuutitsinissaq pillugu malittarisassanik aalajangersaasinnaapput.

Imm. 3. Naalakkersuisut torersuutitsinissaq pillugu malittarisassat malinneqarnerat nakkutigisaraat.

Kapitali 7

Aalajangersakkat allat

§ 24. § 5, imm. 1 aamma 2 tunngavigalugu akuersisummik imaluunniit umiarsualivimmik nunami atortulersuutitalimmik § 5, imm. 1 aamma 2 tunngavigalugu akuersisummik pineqartunut ilaatinneqartumik allanut toqqaannartumik toqqaannanngikkaluamillu isumagisassanngortitsinerit tamarmik Naalakkersuisunit akuerineqartassapput.

Imm. 2. § 5, imm. 1 aamma 2 tunngavigalugu akuersissut taarsigassarsissutigineqarsinnaanngilaq, qularnaveeqqusiunneqarsinnaanani imaluunniit akiitsoqfiusut akiliisitsiniarneranni malersuissutigineqarsinnaanani.

Kapitali 8

Naammagittaalliorneq

§ 25. § 12, 14 aamma 15 naapertorlugit taliffissamik innersuunneqarneq, usilersornermi usingiarnermilu ikiorserneqarneq kiisalu umiarsualivimmi inuussutissarsiummik suliaqarnissamik periarfissaqarnissaq pillugit aalajangiinerit Naalakkersuisunut naammagittaalliuutigineqarsinnaapput.

Imm. 2. Imm. 1 tunngavigalugu naammagittaalliorsinnaatitaasut tassaapput pineqartut aalajangiinermit pisussaaffligaasut imaluunniit aalajangiinermi namminneerlutik allatigut inatsiseqartitsinikkut soqtigisaqartuuusut.

Imm. 3. Naammagittaalliorornissamut piffissaliussaq aalajangiinerup naammagittaalliuutigineqartup naammagittaalliorfigineqarsinnaasumit tiguneqarneranit sapaatit akunnerinik sisamanik sivisussuseqarpoq.

§ 26. Najukkami umiarsualivimmut oqartussaasup § 22, imm. 3 tunngavigalugu aalajangiineri Naalakkersuisunut naammagittaalliuutigineqarsinnaapput.

Imm. 2. Najukkami umiarsualivimmut oqartussaasup § 22, imm. 5, tak. imm. 3, tunngavigalugu aalajangiineri communalbestyrelsimum naammagittaalliuutigineqarsinnaapput.

Imm. 3. Imm. 1 aamma imm. 2 tunngavigalugit naammagittaalliorsinnaatitaasut tassaapput pineqartut aalajangiinermit pisussaaffligaasut imaluunniit aalajangiinermi namminneerlutik allatigut inatsiseqartitsinikkut soqtigisaqartuuusut.

Imm. 4. Naammagittaalliorornissamut piffissaliussaq aalajangiinerup naammagittaalliuutigineqartup naammagittaalliorfigineqarsinnaasumit tiguneqarneranit sapaatit akunnerinik sisamanik sivisussuseqarpoq.

§ 27. Naalakkersuisut torersuutitsinissaq pillugu malittarisassat naapertorlugit aalajangiinerit naammagittaalliuutigineqarsinnaanerat pillugu maleruagassanik aalajangersaasinnaapput, tak. § 23. Umiarsualivinnut nunami atortulersuutitaqartunut § 5, imm. 1 naapertorlugu akuersissuteqartunut Naalakkersuisut naammagittaalliorneq pillugu malittarisassanik aalajangersaasinnaapput, matumani allaffissornikkut aqutsinermi oqartussaasumut quilliunerusumut naammagittaalliorqarsinnaannginnissaa ilanngullugu eqqarsaatigalugu.

Kapitali 9

Pineqaatissiissutit atortuulersitsinerlu

§ 28. Kinaluunniit umiarsualivimmik nunami atortulersuutitalimmik § 1, imm. 1 tunngavigalugu akuersissummik pigisaqarani sanaartortoq ingerlatsisorluunniit Kalaallit Nunaanni pinerluttulerinermik inatsimmi malittarisassat tunngavigalugit pillaammik akiliisussanngorlugu, pisinnaatitaaffiminik annasaqaartussanngorlugu pigisanillu arsaarneqartussanngorlugu eqqartuunneqarsinnaavoq.

Imm. 2. Kinaluunniit umiarsualivimmik nunami atortulersuutitalimmik § 5, imm. 1 aamma imm. 2 tunngavigalugit akuersissut unioqqutillugu sanaartortoq unioqqutitsisorluunniit Kalaallit Nunaanni pinerluttulerinermik inatsimmi malittarisassat tunngavigalugit pillaammik akiliisussanngorlugu,

pisinnaatitaaffimminik annaasaqartussanngorlugu pigisanillu arsaarneqartussanngorlugu eqqartuunneqarsinnaavoq.

§ 29. § 13, imm. 1-2-mik, § 16, imm. 3-mik aamma § 24, imm. 1-imik unioqqutitsisoq Kalaallit Nunaanni pinerluttulerinermik inatsimmi malittarisassat tunngavigalugit pillaammik akiliisussanngorlugu, pisinnaatitaaffimminik annaasaqartussanngorlugu pigisanillu arsaarneqartussanngorlugu eqqartuunneqarsinnaavoq.

§ 30. Malittarisassanik § 1, imm. 2, § 9, imm. 3, § 11, imm. 2, § 12, imm. 2, § 16, imm. 4-5, §§ 17-18, § 22, imm. 4 aamma § 23, imm. 1-2 tunngavigalugit aalajangersarneqarsimasunik unioqqutitsisoq Kalaallit Nunaanni pinerluttulerinermik inatsimmi malittarisassat tunngavigalugit pillaammik akiliisussanngorlugu, pisinnaatitaaffimminik annaasaqartussanngorlugu pigisanillu arsaarneqartussanngorlugu eqqartuunneqarsinnaavoq.

Imm. 2. Inatsisartut inatsisaat manna malittarisassalluunniit Inatsisartut inatsisaat manna tunngavigalugu aalajangersarneqarsimasut pillaammik akiliisussanngortitsilluni, pisinnaatitaaffinnik annaasaqartussanngortitsilluni pigisanilluunniit arsaarneqartussanngortitsilluni eqqartuussinissamut tunngavissaliippata inuit inatsiseqartitsinikkut nammineertutut isigineqartut Kalaallit Nunaanni pinerluttulerinermik inatsimmi malittarisassat tunngavigalugit pineqaatissinneqarsinnaapput.

Imm. 3. Inatsisartut inatsisaannik matuminnga malittarisassanilluunniit Inatsisartut inatsisaat manna tunngavigalugu aalajangersarneqartunik unioqqutitsinerit pillugit suliat Kalaallit Nunaata eqqartuussivianut suliariinnittussatut siulliusumut suliassanngortinnejassapput.

Imm. 4. Inatsisartut inatsisaat malittarisassalluunniit Inatsisartut inatsisaat tunngavigalugu aalajangersarneqarsimasut tunngavigalugit pillaammik akiliisitsissutit arsaarinnissutilu Kalaallit Nunaata Karsianut nakkartinneqassapput.

§ 31. Inatsisartut inatsisaat 1. juni 2015-imi atortuulersinneqarpoq. Tamatumunnga peqatigitillugu Namminersornerullutik Oqartussat umiarsualiviinik sanaartorneq, aserfallatsaaliiineq, ingerlatsineq il.il. pillugit Inatsisartut peqqussutaat nr. 4, 29. oktober 1999-imeersoq atorunnaarsinneqarpoq.

Imm. 2. Umiarsualivinni oqartussaanermik atortitsineq pillugu Namminersornerullutik Oqartussat nalunaarutaat nr. 14, 14. maj 2002-meersoq aamma umiarsualivinni malittarisassat pillugit Namminersornerullutik Oqartussat nalunaarutaat nr. 1, 4. januar 2000-meersoq, maleruagassanik Inatsisartut inatsisaanni matuman i maluunniit Inatsisartut inatsisaanni allani tunngaveqartumik aalajangersagaasunik taarseneqarnissamik imaluunniit atorunnaarsinneqarnissamik tungaanut atuutiinnassapput.

Namminersorlutik Oqartussat, ulloq 3. juni 2015

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqtaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut